

Dapoi tant'anni sentu lu mare batte
In'ssu vechju castellu, tante prigiò sò piate
Ùn sentu chè catene, u mio core si spenghje
Tanti ghjorni à sperà, è tante notte à pienghje

Di la mio vita, m'anù fattu ruina
O Mercedes, O prumessa regina
Di tè solu mi ferma un ricordu svanitu
U soffiu di e to labre, hè silenziu feritu

Chì a so ghjustizia ùn hè chè barbaria
Per un interessu m'anù chjappu a vita
O Signore chì senti a chjama di u nucente
Chì more solu è chjosu chjinatu in l'ombre spente

A petra hè freta è ùn ci hè mancu lume
Ma in la mio mente oghje ci corre un fiume
Quellu di a vindetta u sangue di i furdani
Di la mio manu fiera hè lampatu à li cani

Luce sta notte a stella, a stella di a speranza
O libertà, fiore di a mio suffrenza
Salteraghju in lu mare ancu s'e perdu la vita
Pensendu à la vindetta per l'anima tradita

Trimate voi, chì l'ora s'avvicina
Sognu secretu mi porta la marina
Parlerà u fucile, Parigi serà tristu
Senterete cantà l'ombra di Monte Cristu